



## ԻՐԱԶԵԿՄԱՆ ԹԵՐԹԻԿ

ՀՀ ՀԱՐԿԱՅԻՆ ՕՐԵՆՍԳՐՔԻ 2017 ԹՎԱԿԱՆԻ ՀՈՒՆՎԱՐԻ 1-ԻՑ ՈՒԺԻ ՄԵՋ  
ՄՏԱԾ ՈՐՈՇ ԴՐՈՒՅԹՆԵՐԻ ՎԵՐԱԲԵՐՅԱԼ

1. 2017 թվականի հունվարի 1-ից հետո ուժի մեջ են մտել շահութահարկի կանխավճարների կատարման այլընտրանքային եղանակին վերաբերող դրույթները:

Ռեզիդենտ շահութահարկ վճարողը ընթացիկ տարվա յուրաքանչյուր եռամսյակի համար շահութահարկի կանխավճարները կատարում են նախորդ եռամսյակի ընթացքում ապրանքների մատակարարումից, աշխատանքների կատարումից և (կամ) ծառայությունների մատուցումից ստացվող **եկամույրների երկու տոկոսի չափով, եթե մինչև ընթացիկ հարկային տարվա մարտի 20-ը ներառյալ հարկային մարմին են ներկայացրել հարկային մարմնի սահմանած ձևի հայտարարություն՝** շահութահարկի կանխավճարների կատարման այլընտրանքային եղանակի ընտրության վերաբերյալ:

2017 թվականի ընթացքում այլընտրանքային եղանակով շահութահարկի կանխավճարներ կատարելու համար անհրաժեշտ է մինչև 2017 թվականի մարտի 20-ը հարկային մարմին ներկայացնել ՀՀ ԿԱ պետական եկամուտների կոմիտեի նախագահի 30.12.2016 թվականի «Շահութահարկի կանխավճարների կատարման այլընտրանքային եղանակի ընտրության վերաբերյալ հայտարարության ձևը հաստատելու մասին» N301-Ն հրամանով հաստատված ձևով հայտարարությունը:

2017 թվականի ընթացքում շահութահարկի կանխավճարների կատարման այլընտրանքային եղանակով շահութահարկի կանխավճարները հաշվարկվում և կատարվում են մինչև 2017 թվականի համապատասխան եռամսյակների վերջին ամսվա 15-ը ներառյալ: Մինչև 2017 թվականի դեկտեմբերի 31-ը ներառյալ ընկած եռամսյակների ԱԱՀ-ով հարկվող և ԱԱՀ-ով չհարկվող գործարքների հարկման բազան հաշվարկվում է՝ հիմք ընդունելով այդ եռամսյակների համար հարկային մարմին ներկայացված ԱԱՀ-ի եռամսյակային հաշվարկներում արտացոլված՝ ԱԱՀ-ով հարկվող և ԱԱՀ-ով չհարկվող գործարքների հարկման բազաները (ամսական ԱԱՀ վճարող համարվողների դեպքում՝ այդ եռամսյակներում ներառված ամիսների համար հարկային մարմին ներկայացված ԱԱՀ-ի ամսական հաշվարկներում արտացոլված՝ ԱԱՀ-ով հարկվող և ԱԱՀ-ով չհարկվող գործարքների հարկման բազաների հանրագումարը):

2. Օտարերկրյա քաղաքացիների և քաղաքացիություն չունեցող անձանց ստացած **շահաբաժինների մասով եկամտային հարկը** հաշվարկվում է **10% դրույքաչափով**: Նշված դրույթը տարածվում է **2017թ. հունվարի 1-ից հետո հայտարարված շահաբաժինների վրա**:

3. **Շահաբաժինների տեսքով ստացվող եկամույրները** դրանց ստացման հարկային տարվա ընթացքում շահաբաժին վճարող՝ ՀՀ ռեզիդենտ նույն

կազմակերպության կանոնադրական կամ բաժնետիրական կապիտալում օրենսդրությամբ սահմանված կարգով ներդնելու դեպքում **ներդրված գումարը, բայց ոչ ավելի, քան շահաբաժիններից պետական բյուջե վճարված հարկի գումարները**, պետական բյուջեից փոխհատուցվում է ՀՀ կառավարության սահմանված կարգով:

4. Վիճակախաղերի կազմակերպման համար և ինտերնետ շահումով խաղերի կազմակերպման համար **պետական տուրքի** դրույքաչափը 2017թ. հունվարի 1-ից կազմում է բազային տուրքի **500.000-ապարկեր**:

5. **ԱԱՀ-ից ազատվում է** օրենսդրությամբ սահմանված կարգով լիազորված տնտեսական օպերատորի կարգավիճակ ունեցող հարկ վճարողի կամ ՀՀ կառավարության հավանությանն արժանացած ծրագիր իրականացնող ռեզիդենտ շահութահարկ վճարողների խմբի կողմից ԵՏՄ անդամ չհամարվող պետություններից **2017թ. հունվարի 1-ից հետո** ՀՀ տարածք ապրանքների ներմուծումը, եթե այդ ապրանքները կամ դրանց վերամշակման արդյունքում ստացված ապրանքները ներմուծման օրվանը հաջորդող 180 օրվա ընթացքում արտահանվում են (այդ թվում՝ ԵՏՄ անդամ պետություններ):

6. **Ոչ ռեզիդենտ կազմակերպությունների** 2017թ. հունվարի 1-ից հետո ընկած ժամանակահատվածներին վերագրվող **շահաբաժինների** տեսքով եկամտի ստացման իրավունքը համարվում է ձեռք բերված բաժնետերերի (փայտատերերի) ժողովի կողմից հաշվետու տարվա գործունեության արդյունքներով ստացված շահույթից շահաբաժինների բաշխման մասին **որոշման ընդունման օրը**, բայց ոչ ուշ, քան հաշվետու տարվան հաջորդող հարկային տարվա **հունիսի 30-ը ներառյալ**:

Հարկի հաշվարկման համար հիմք հանդիսացող՝ եկամտի վճարում է համարվում շահաբաժինների բաշխման մասին որոշման ընդունումը կամ սահմանված ժամկետի լրանալը:

7. 2017թ. հունվարի 1-ից ակցիզային դրոշմանիշերը և (կամ) դրոշմապիտակները տրամադրվում են էլեկտրոնային եղանակով ներկայացված հայտի և հայտի ներկայացման օրվա դրությամբ նախկինում ստացված ակցիզային դրոշմանիշերի և (կամ) դրոշմապիտակների օգտագործման մասին հաշվետվության հիման վրա, հայտ ներկայացրած կազմակերպության լիազորած ֆիզիկական անձին (անհատ ձեռնարկատիրոջ դեպքում՝ անհատ ձեռնարկատիրոջը կամ նրա կողմից լիազորված ֆիզիկական անձին) հայտը ներկայացնելուց հետո՝ **3 աշխատանքային օրվա** ընթացքում:

8. Չօգտագործված ակցիզային դրոշմանիշերը և (կամ) դրոշմապիտակները վերադարձվում են դրանց ստացման ամսվան հաջորդող **6-ամսյա ժամկետում**:

Նշված ժամկետը հարկային կամ մաքսային մարմնի կողմից հարկ վճարողի դիմումի հիման վրա **երկարաձգվում է** դիմումում նշված ժամկետով, **բայց ոչ ավելի, քան 90 օրով**: Նշված դրույթը վերաբերում է **2017թ. հունվարի 1-ից հետո ստացվող դրոշմանիշերին և (կամ) դրոշմապիտակներին**:

9. ՀՀ կառավարության սահմանած **չափանիշներին բավարարող հարկ վճարողների** կողմից ներկայացված՝ ԱԱՀ-ի գրոյական դրույքաչափով հարկվող գործարքների գծով ԱԱՀ-ի փոխհատուցվող **գումարի մինչև 20 միլիոն դրամի հայտերի** հիման վրա ԱԱՀ-ի գումարների մուտքագրումը միասնական հաշվին կատարվում է ՀՀ կառավարության սահմանած պարզեցված ընթացակարգով և ժամկետներում:

10. 2017 թվականի հունվարի 1-ից որոշ ապրանքների համար գործում են ակցիզային հարկի նոր դրույքաչափեր՝

- **սպիրտային խմիչքների համար** (2208) – արժեքի՝ առանց ԱԱՀ-ի և ակցիզային հարկի կամ մաքսային արժեքի կամ ձեռքբերման արժեքի **63%**, **բայց ոչ պակաս, քան 1 լիտրի համար 630 դրամ** (բացառությամբ՝ **պտուղներից և (կամ) հատապտուղներից պատրաստված օղի** (2208 90 330 0, 2208 90 380 0, 2208 90 480 0), **կոնյակ, բրենդի** (2208 20), **վիսկի** (2208 30), **ռոմ** (2208 40)),

- **պտուղներից և (կամ) հատապտուղներից պատրաստված օղիների համար** – արժեքի՝ առանց ԱԱՀ-ի և ակցիզային հարկի կամ մաքսային արժեքի կամ ձեռքբերման արժեքի **55%**, **բայց ոչ պակաս 1 լիտրի համար 550 դրամ**,

- **վիսկի, ռոմ** – արժեքի՝ առանց ԱԱՀ-ի և ակցիզային հարկի կամ մաքսային արժեքի կամ ձեռքբերման արժեքի **57%**, **բայց ոչ պակաս, քան 1 լիտրի համար 3450 դրամ**,

- **սիգարետների համար** (2402 20 90011, 2402 20 10011, 2402 90 00013, 2402 20 90012, 2402 20 10012, 2402 90 00014) – ՀՀ կառավարության սահմանած կարգով մակնշված՝ ծխախոտի արտադրանքի առավելագույն մանրածախ գին՝ առանց ԱԱՀ-ի և ակցիզային հարկի **15%**, **բայց ոչ պակաս, քան 1000 հարի համար 6325 դրամ**: